

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-63/13
Vareš, 28.02.2013.godine

Na osnovu člana 48. stav 2., 3. i 4. Zakona o pravobraniteljstvu („Sl. Novine ZE-DO kantona“ broj 14/08) i član 22. Statuta Općine Vareš - Prečišćeni tekst broj 01-162/12 od 11.09.2012. godine, Općinsko vijeće Vareš, na 5. sjednici održanoj 28.02. 2013. godine, d o n o s i:

O D L U K U
o izmjenama i dopuni
Odluke o osnivanju Zajedničkog općinskog pravobraniteljstva

Član 1.

U Odluci o osnivanju zajedničkog općinskog pravobraniteljstva općina Vareš i Olovo broj 01-26/13 od 29.01.2013. godine iza člana 3. dodaje se novi član 4. koji glasi:

“Zajedničko općinsko pravobraniteljstvo preuzima poslove, zaposlenike i opremu postojećih općinskih pravobraniteljstava, te sa danom formiranja prestaje sa radom općinsko pravobraniteljstvo Vareš.“

Član 2.

Dosadašnji član 4. postaje član 5. te se od člana 5. do člana 12. svi pomjeraju za jedan broj naviše.

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



Član 3.

Ova odluka stupa na snagu danom objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA VAREŠ**

Zdravko Marošević

Odluka objavljena na oglasnoj tabli Općine Vareš 04.03. 2013. godine.

OPĆINSKI NAČELNIK

Kovačević Avdija, dipl. pravnik

O b r a z l o ž e n j e
Odluke o izmjenama i dopuni
Odluke o osnivanju Zajedničkog općinskog pravobraniteljstva

1. Pravni osnov

Pravni osnov za donošenje Odluke o osnivanju Zajedničkog općinskog pravobraniteljstva sadržan je u odredbama člana 48. zakona o pravobranilaštvu Zeničko- dobojskog kantona, gdje je u stavu 3. propisano da dva ili više općinskih vijeća mogu odlukama osnovati zajedničko pravobranilaštvo, te stav 4. gdje je propisano da se takvom Odlukom posebno utvrđuje: sjedište pravobranilaštva, način osiguranja sredstava za njegov rad, broj zamjenika općinskog pravobranioca i dan početka rada.

2. Razlozi za donošenje

Općinsko vijeće Vareš je na 4. sjednici održanoj dana 29.01.2013. godine, usvojilo Odluku o osnivanju Zajedničkog općinskog pravobraniteljstva, istovremeno Vijeće općine Olovo je na 3. redovnoj sjednici održanoj istog dana usvojilo Odluku o osnivanju Zajedničkog općinskog pravobraniteljstva. Općina Olovo se sa zahtjevom za mišljenje u vezi formiranja Zajedničkog općinskog pravobraniteljstva obratila Ministarstvu za pravosuđe i upravu Zeničko-dobojskog kantona.

U mišljenju Kantonalnog pravobraniteljstva Zenica broj M-1/13, izdanog na zahtjev Ministarstava za pravosuđe i upravu Zeničko-dobojskog kantona, a u vezi zahtjeva Općine Olovo, sugerirano je da Odlukama općinskih vijeća, pored odredbi koje su izričito propisane Zakonom o pravobraniteljstvu Zeničko-dobojskog kantona, treba da se utvrdi i da novoformirano Zajedničko općinsko pravobraniteljstvo preuzima poslove, zaposlenike i opremu postojećih općinskih pravobraniteljstava, te da sa danom formiranja zajedničkog općinskog pravobraniteljstva prestaju sa radom općinska pravobraniteljstva općina Olovo i Vareš.

Općina Olovo je uvažavajući sugestije Kantonalnog pravobraniteljstva Zenica naprijed navedeno unijela u tekst Odluke o osnivanju zajedničkog općinskog pravobraniteljstva općina Vareš i Olovo i to u članku 4.

Zbog zakonske obaveze da Odluke o osnivanju zajedničkog pravobraniteljstva dvije općine budu istovjetne, na usvajanje se predlaže naprijed navedena Odluka o izmjenama i dopunama Odluke o osnivanju Zajedničkog općinskog pravobraniteljstva.

3. Financijska sredstva

Za realizaciju ove Odluke nisu potrebna nikakva dodatna financijska sredstva.

Predlažem da Općinsko vijeće Vareš usvoji ovu odluku u navedenom tekstu.

OPĆINSKI NAČELNIK

Kovačević Avdija, dipl. pravnik